





(T<sub>v</sub>)

51 TS

TS 13, 13, 24. ✓

- 1 בשמך רחמנא
- 2 עבד אלחזרה אלסאמיה אלרייסייה<sup>w</sup> אלאזליה<sup>w</sup> אדאם אללה סעדהא
- 3 ואעלא גדהא<sup>w</sup> ואנגלת מסאעיהא וופקהא פי סאיר אמורהא
- 4 ונפקהא חסן<sup>9</sup> אלתופיק פי דניאהא ואכרתהא וגעל להא פי קלב
- 5 מן אסתכלפהא אלחץ אלגמיל ואלקסס אלנביל אן שא אללה תע(א) לי יקבל
- 6 אנדיהא וינהי<sup>א</sup> אנה למא אחפק בהא יום אלתקדים פי דאר פרח עלי
- 7 אנני אזי בלעשי אקבל איאדיהא ואודעהא ואטאלהא תסתקציני
- 8 חאגה לכי אתשרף בהא פדהם אלעבד מן אלאשגאל ואנחדאר אלמרכב
- 9 ואסתגאלת מן פיה פזלבת ען אלמתול בין ידיהא ועז עלי אלעבד
- 10 דלך פאן סהל עלי אועאניהא<sup>א</sup> אן תסתכדס עבדהא פי חאגה פתשרפני
- 11 בדלך עלי אן אלחאגה אלתי תקדמת מא גאת עלי גרזי וקד ערף אלשיך
- 12 אבו עמראן כוסי צחה קולי עלי אן אעאדה הדאקבית ואמא מוצל
- 13 הדה אלאחרף פאן אנעמת בתדברה סלמהא לה ועבדהא ינהי מא
- 14 תגדד פי הדה אלמאדה מן אלצרות עלי אצחאבנא מן גמלה דלך
- 15 אן זקן הקהילות עומל עליה חולה פי בעץ אלפנאדק וחבס מעה
- 16 גאריה תסוא כרובה וקאל להא אנסאן קד תולא אלנזר פי מעני אלכצאר
- 17 ועבדהא חאצר והו יקול אש[הדי] בין ידין אלקאזי אן אליהוד אכדך
- 18 גצב ודפע לך אלפצה ואלא אחרקר [אל] קאזי בעד אן יסופך אלבלד
- 19 עלי חמאר ומא וצלת אלי ענד אלקאזי חתי צאר כלפהא קדר אלף
- 20 אבן אדם גמיעהם יקולו כננא חאצרין פי אלפנדק והו מעהא פלמא
- 21 אסתנסקהם אלקאזי כל ואחד במפרדה מא צח מן אלשהאדה אחד
- 22 גיר אן אלפקחים גלבו אלקאזי עלי מא פי נפסה וקד תגדד עלי אלנאס

- 23 מן אלשנאות מא לם ירא יום קט פלעל יתלטף אלמר פי כתאב אלי  
 24 אלשופט לעל יקוא קלבה פי חק אליהוד כמא כאן ואלא הם תאלפין וקד  
 25 אנחקל אלשנאות מן נוע אלי נוע וצאר כל מן פי אלבלד מחתסב עלי  
 26 אליהוד באקבח מא יכון מן אלשנאות ואלנאס יטלבו פרג מן אלבארי  
 27 ומן אנעאמהא פאן אמכן מסאעדה אלמה בגאח או במאל וכלאץ  
 28 הדא אלמסכנן ואלא מא בקי לשונאי

שולים

ישראל תוחלת | וראיהא אעלי | אלראיאת | ושלום

עמוד ב'

ממלוכהא	עבד אלחצרה אלסאמיה אלגליה
אבו אלחסן אלדמשקי	אלרי [יס] יה א [דא] ם אללה עוהא